

ТАЛОНЧИЛИК ЖИНОЯТИНИНГ КРИМИНОЛОГИК ТАВСИФИ ВА БУГУНГИ ХОЛАТИ

Жумақулов Худойберди Ахмед ўғли
ИИВ Академияси мустақил изланувчиси

Аннотация: Ушбу мақола орқали сиз, талончилик жиноятининг тушунчаси, асосий хусусиятлари, мазкур жиноятнинг профилактикасига оид фаолиятни тартибга солувчи нормалар ва уларни қўллаш амалиёти таҳлил қилиниб, фаолиятни такомиллаштиришга доир таклиф ва тавсиялар хақида билиб олишингиз мумкин.

Калит сўзи: талончилик, жабрланувчи, талон-торож, профилактика, ўзганинг мулкини ошкора талон-торож қилиш.

КИРИШ

Талончилик жинояти деганда, жабрланувчига нисбатан зўрлик ишлатиб ёки ишлатмасдан мулкни очиқдан-очиқ талон-торож қилиш тушунилади. Бу ҳаракат ўзгалар мулкини очиқдан очиқ ҳаёт ёки соғлиқ учун хавфли бўлмаган зўрлик ишлатиб ёхуд шундай зўрлик ишлатиш билан қўрқитиб содир қилинади.

Ўзбекистон Республикаси Жиноят кодексининг 166-моддасига кўра, ўзганинг мулкини очиқдан-очиқ талон-торож қилиш талон-чилик дейилади. Демак, айбор жабрланувчи ва бошқаларнинг кўзи олдида ўзганинг мулкини эгаллаб олаётганлиги ва улар бу ҳарақатнинг жиноий хусусиятини тушунганлигини анлагандা, ўзганинг мулкини ошкора талон-торож қилиш талончилик ҳисобланади. Шу нуқтаи назардан талончилик жиноятининг бевосита обьекти ўзганинг мулк ҳуқуқини таъминловчи ижтимоий муносабатлар (ЖК 166-м. 1-қ.) ва жабрланувчининг соғлиғини дахлсизлигини таъминловчи ижтимоий муносабатлар (ЖК 166-м. 2-қ.) ҳисобланади.

Талончилик ошкора ёки яширин равища содир этилиши мумкин. Агар айбор жабрланувчилар ёки бошқа шахслар кўз ўнгida талончилик қилаётганлигини ва улар айборнинг ҳаракатлари хусусиятини тушунаётганлигини била туриб, талончиликни амалга ошиrsa, у ошкора деб ҳисобланади. Агар талон-торож қилинган-чи-ли-ги-ни одамлар сезмасалар ёхуд буюм олинганлиги фактини кўра туриб, уни қонуний ҳисобласалар ва айбор ҳам шунга умид қилган бўлса, у ҳолда талон-чи-ли-кини ошкора деб тан олиниши мумкин эмас. Яширин равища бошланган талон-торож баъзан ўзгалар мулкини очиқдан-очиқ эгал-лаш-га айланиб кетади. Бундай ҳоллар, мулкни эгаллаш жараёнида жиноятчини сезиб қолишганида, лекин жиноятчи буни тан олмай ўз ҳаракатларини давом эттириб, мулкни ошкора эгаллаб олганда содир бўлади. Талончилик мулкдорга мулкий зарап етказиш-дек ижтимоий хавфли оқибатлар келтириб чиқаради. Мулкни амалда эгаллаб олиш, яъни жиноятчида талон-

торож қилингандан нарсадан фойда-ланиш ёки тасар-труф этиш имконияти пайдо бўлган вақтдан тугал-ланган ҳисобланади.

Талончилик жиноятнинг объектив томони ўзганинг мол-мулки-ни очиқдан-очиқ талон-торож қилишда ифодаланади. Масалан, 2020 йил 15 апрель куни фуқаро Рахимов Адхам Абдугаффорович (31.01.1981 й. туғ.) Навоий вилояти Учқудув тумани 7-мавзе 20-уй 47-хонадонда В.А.Могоч-нинг 500000 сўм миқдордаги пулларини очиқдан-очиқ талон-торож қилган.

Мулкни очиқдан-очиқ талон-торож қилиш объектив ва субъектив мезонларга асосланади.

Очиқдан-очиқ талон-торож қилишнинг объектив мезони айборд томонидан ўзганинг мулки ушбу мол-мулк эгаси ёки мол-мулк ихтиёрида ёхуд муҳофазасида бўлган шахсларнинг, ўзганинг мулки талон-торож қилинаётганлигини англаб турган бегона кишиларнинг кўз олдида талон-торож қилинишида намоён бўлади.

Очиқдан-очиқ талон-торож қилишнинг субъектив мезони талончи ўзганинг мулкини очиқ-оидин талон-торож қилаётган вақтида ўзи-нинг хатти-ҳаракатлари мулк эгаси ёхуд мол-мулк тасарруфида бўл-ган ёки бегона шахслар томонидан кузатиб турилганини англаганда амалга оширилганида кўринади.

Талончилик – айборнинг очиқдан-очиқ эгаллаган мулқдан ўз хоҳиича фойдаланиши ёки тасарруф этиши имкониятига эга бўлган вақтдан бошлаб, жиноят тугалланган ҳисобланади.

Талончиликнинг турдош бўлган босқинчилик жиноятидан фарқи-ни билиш лозим. Бунда, агар ўзганинг мулки очиқдан-очиқ талон-торож қилинса ёки мулкка эгалик қилиш мақсадида уларнинг ҳаёти ва соғлиғи учун хавфли бўлмаган зўрлик ишлатиб ёхуд шундай зўр-лик ишлатиш билан қўрқитиб қилингандан ҳаракатлар талончилик деб, ҳужум қилиб ҳаёти ёки соғлиғи учун хавфли бўлган зўрлик ишлатиб ёхуд шундай зўрлик ишлатиш билан қўрқитиб қилингандан ҳаракатлар эса босқинчилик деб тавсифланиши зарур.

АСОСИЙ ҚИСМ

Шунга ҳам эътибор қаратиш лозимки, агар зўрлик ишлатиш ҳаракатлари мулкни яширин равища талон-торож қилиб бўлганидан сўнг қўлга тушишдан кутулиш мақсадида содир этилган бўлса, бун-дай ҳаракатлар талончилик ёки босқинчилик деб баҳоланмайди. Бун-дай ҳолат зўрлик ишлатишнинг хусусиятлари ва келтириб чиқарган оқибатларига қараб ўғирлик деб, бошқа жиноятларнинг белгилари бўлганда жиноятлар мажмуи бўйича тавсифланади.

Таҳлил қилинаётган жиноятнинг субъектив томонитўри қасд билан ғаразгўйлик ниятида содир этилади.

Жиноятнинг субъекти 14 ёшга тўлган, ақли расо ҳар қандай шахс бўлиши мумкин.

Талончилик: а) ҳаёт ва соғлиқ учун хавфли бўлмаган зўрлик ишлатиб ёхуд шундай зўрлик ишлатиш билан қўрқитиб; б) анча миқдорда; в) бир гуруҳ шахслар томонидан олдиндан тил бириктириб содир этилган бўлса, қилмиш

Жиноят кодекси 166-моддаси иккинчи қисмининг тегишли бандлари асосида квалификация қилинади.

Жиноят кодекси 166-моддаси иккинчи қисмининг «а» банди билан қилмишни тавсифлашда қуйидагиларни эътиборга олиш зарур:

– зўрлик ишлатиб талончилик қилиш нафақат ҳаёт ёки соғлиқ учун хавфли бўлмаган аниқ зўрлик ишлатилганда, балки шундай зўрликни қўллаш билан қўрқитилганда ҳам содир этилган ҳисобланади;

– зўрлик ёки уни қўллаш билан қўрқитиш мулк ихтиёрида, тасаруфида ёки қўриқловида бўлган шахсга нисбатан, шунингдек ўзганинг мулкини очиқдан-очиқ эгалик қилишга қаршилик қилувчи шахсларга нисбатан ҳам йўналтирилиши мумкин;

– жабрланувчининг ҳаёти ёки соғлиғи учун хавфли бўлмаган зўрлик деганда, баданга енгил шикаст етказиш тушунилади. Бундай зўрлик жабрланувчига жисмоний оғриқ етказиш ёки унинг эркинчигини чеклаш билан боғлиқ бўлган ҳаракатларда ҳам намоён бўлади. Масалан, жабрланувчини зўрлик ишлатиб хонага қамаб, боғлаб қўйиш, оғзига латта тиқиб қўйиш каби ҳаракатлар шулар жумласидан.

Ўзганинг мулки талон-торож қилинаётган вақтда зўрлик ишлати-либ, шахс эркинликдан маҳрум қилинган бўлса, айборнинг қилмиши зўрлик ишлатиб содир қилинган талончилик ҳисобланади (ЖК 166-м. 2-қ.).

Айбор жабрланувчи билан тўқнашмаслик, унинг мол-мулки тортиб олинишига тўқинлик қилишининг олдини олиш мақсадида зўрлик ишлатмасдан уни эркинликдан маҳрум этса (айбор турган хона эшигини қулфлаб қўйса), айборнинг ҳаракатлари зўрлик иш-лат-масдан содир этилган талончилик ҳисобланади (ЖК 166-м. 1-қ.).

Жабрланувчининг ҳаёти ёки соғлиғи учун хавфли бўлмаган зўрлик ишлатиши билан қўрқитиш бу жабрланувчини ўз мол-мулкини беришга ёки унинг талон-торож қилинишига тўқинлик қилмасликка мажбурлаш мақсадида унга жисмоний ёки руҳий таъсир кўрса-тишdir. Кўрқитиш мол-мулк эгасига ёхуд мол-мулк ихтиёрида ёки муҳофазасида бўлган шахсга нисбатан ёхуд мол-мулки талон-торож қилиш бегона шахслар кўз олдида содир этилаётган бўлса, ўша шахсларга қаратилиши мумкин. Талончиликда қўрқитиш ҳақиқатда мавжуд ва реал бўлиши керак.

Талончилик: а) такроран ёки хавфли рецидивист томонидан; б) уй-жойга, омборхона ёки бошқа хонага ғайриқонуний равишда кириб; в) кўп миқдорда содир этилган бўлса, қилмиш Жиноят кодекси 166-моддаси учинчи қисмининг тегишли бандларига асосан квалифи-ка-ция қилинади.

Такроран ёки хавфли рецидивист томонидан содир этилган талон-чилик Жиноят кодекси 166-моддаси учинчи қисми «а» банди билан квалификация қилинади.

Бунда қилмишни такроран деб баҳолаш учун талончилик жинояти-нинг турли вақтда, камида икки марта содир этилганлиги (айнан ўхшаш бўлган

бўлиши керак, айнан бир модда ёки модданинг бир қисмида қўрсатилган жиноят бўлиши лозим), ушбу жиноят учун шахс судланганинг бўлиши ва мазкур жиноят учун жавобгарликка тортиш муддатлари ўтмаган бўлиши лозим. Агар шахс илгари содир этган жинояти учун қонуний тартибда жиноий жавобгарликдан озод қилинган бўлса ёки жавобгарлик муддати ўтиб кетган бўлса, қилмиш такроран содир этилган деб квалификация қилинмайди.

Талончилик жиноятининг хавфли рецидивист томонидан содир этилиши – шахс илгари талончилик жинояти учун ҳукм қилингандан сўнг, ушбу жиноят учун судланганлик муддатлари ўтиб кетмасдан, қонунда белгиланган тартибда олиб ташланмасдан туриб, ушбу жиноятга айнан ўхшаш бўлган жиноят содир этганида келиб чиқади.

Айнан ўхшаш жиноятлар деганда, шахснинг илгари судланган Жиноят кодекси Махсус қисмининг айнан бир моддасида ёки қисмида назарда тутилган қилмишни содир этиши тушунилади.

Талончилик жиноятини такроран ёки хавфли рецидивист томонидан содир этилган деб квалификация қилиш учун айбдорнинг илгари тамом бўлган талончилик жинояти ёки унга суиқасд қилганлиги, жиноятнинг бажарувчиси ёки бошқа иштирокчиси бўлганлигининг аҳамияти йўқ.

Иштирокчиликда талончилик содир этилган, такрорийлик сифати-даги квалификация белгиси фақат ушбу белгига лойиқ айбдорга нисбатан қўлланилиб, бошқа иштирокчиларга нисбатан қўлланилиши истисно этилади.

Үй-жой, омборхона ёки бошқа хонага ғайриқонуний равишда кирган ҳолда содир этилган талончилик Жиноят кодекси 166-моддаси учинчи қисми «б» банди билан квалификация қилинади.

Ўзбекистон Республикаси Олий суди Пленумининг 1999 йил 30 апрелдаги «Ўзгалар мулкини ўғирлик, талончилик ва босқинчилик билан талон-торож қилиш жиноят ишлари бўйича суд амалиёти тўғрисида»ги 6-сонли қарорининг 9-бандига кўра, ғайриқонуний кириш деганда талончилик қилиш мақсадида уй-жойга, омборхона ёки бошқа бинога кириш тушунилади.

Ғайриқонуний кириш нафақат яширин, балки очиқдан-очик, тўсиқ-ларни одамларнинг, шунингдек қўриқловчи ходимларнинг қаршилигини енгиб содир этилиши мумкин. Алдаш йўли билан, шунингдек қалбаки рухсатномалардан фойдаланиб, масалан, сантехник, алоқа бўлими ходими, газ, электр энергияси ва ёнгин назорати ходимлари ва бошқалар тариқасида бинода пайдо бўлишни ғайриқонуний кириш деб баҳолаш керак.

Ғайриқонуний кириш бирдан бир мақсад бўлиб қолмасдан, айбдорнинг талончилик қилмоқчи бўлган бойликлар сақланаётган жойга кириб боришининг услуби ҳисобланади. Шу сабабли ғайриқонуний кириш уй-жой, бино ёки бошқа жойларга киришдан олдин юзага келади. Агар айбдор хонага бошқа сабаблар билан кирган бўлиб, моддий бойликларни талончилик йўли билан талон-торож қилиш мақсади кейин пайдо бўлса ва унинг бу ниятини

амалга ошириши қилмишда талон-торожнинг тушунтирилаётган тавсифлаш белгиси мавжуд эмаслигини англаади.

Уй-жой деганда, кишиларнинг доимий ёки вақтинча туришига мўлжалланган (шахсий уй, хонадон, меҳмонхонадаги, санаториядаги хона, дала ҳовли, боғ ҳовли ва бошқ.) бино, шунингдек унинг таркиби-га кирувчи дам олиш, мулкни сақлаш ёхуд инсоннинг бошқа эҳтиёж-ларини қондириш учун (балконлар, ойнабанд айвонлар, омбор-лар ва бошқ.) мавжуд бўлган жойлар тушунилади.

Омборхона деганда, товар-моддий бойликларни доимий ёки вақтинча сақлаш, ташиб, талон-торож қилиш, табиий офатлар, айниш ва йўқ бўлиб кетишдан асраш мақсадида маҳсус жиҳозланган, мос-лаш-тирилган алоҳида қурилма ёки жой тушунилади.

Талончилик кўп миқдордаги мулкни талон-торож қилиш билан боғлиқ ҳолда содир этилган бўлса, бундай қилмиш Жиноят кодекси 166-моддаси учинчи қисми «в» банди билан квалификация қилинади.

Кўп миқдор деганда, базавий ҳисоблаш миқдорининг уч юз баравари-дан беш юз бараварига бўлган зарап тушунилади.

Талончилик: а) жуда кўп миқдорда; б) ўта хавфли рецидивист томонидан; в) уюшган гуруҳ томонидан ёки унинг манфаатларини кўз-лабсодир этилган бўлса, қилмиш Жиноят кодекси 166-моддаси тўртин-чи қисмининг тегишли бандларига асосан квалификация қилинади.

Талончилик жуда кўп миқдордаги мулкни талон-торож қилиш билан боғлиқ ҳолда содир этилган бўлса, бундай қилмиш Жиноят кодекси 166-моддаси тўртинчи қисми «а» банди билан квалификация қилинади.

Жуда кўп миқдор деганда, базавий ҳисоблаш миқдорининг беш юз баравари ва ундан кўп бўлган зарап тушунилади.

Талончилик жинояти содир этилгунга қадар қонуний кучга кирган суд ҳукми билан ўта хавфли рецидивист деб топилган шахс-нинг ҳаракатлари, агар унинг ўта хавфли рецидивист деб топилганлик ҳолати қонунда белгиланган тартибда олиб ташланмаган бўлса, Жиноят кодекси 166-моддаси тўртинчи қисми «б» банди бўйича квалификация қилинади.

Талончилик жинояти уюшган гуруҳ томонидан ёки унинг ман-фаатларини кўзлаб содир этилган бўлса, қилмиш Жиноят кодекси 166-моддаси тўртинчи қисми «в» бандига асосан квалификация қилинади. Жиноят кодексининг 29-моддаси тўртинчи қисмига биноан уюш-ган гуруҳ деб, икки ёки ундан ортиқ шахснинг биргалиқда жиноий фаолият олиб бориш мақсадида олдиндан бир гуруҳга бирлашиши тушунилади.

Жиноий фаолиятнинг олдиндан режалаштирилганлиги, жиноий қасдни амалга ошириш учун зарур бўлувчи воситаларнинг тайёр-ланиши, иштирокчиларни танлаш, ёллаш ва улар ўртасида вазифа-ларнинг тақсимланиши, жиноятни яшириш чораларини таъминлаш, гуруҳда ўрнатилган интизомга ва ташкилотчининг кўрсатмаларига бўйсуниш жиноий гуруҳнинг

уюшганлигидан далолат беради. Шу билан бирга, жиноий гурухни уюшган деб квалификация қилиш учун асосий мезон тариқасида, масалан, гурухнинг барқарорлигини, унда ташкилотчининг бўлишини, одатда, бир неча жиноятни содир этиш мақсадида тузилганлигини, жиноятни амалга ошириш режаси ва йўл-йўриғи ишланганлигини, ҳар бир иштирокчи ўртасида вазифалар тақсимланганлигини, техника билан таъминланганлигини, жиноятни яшириш чоралари кўрилганини, умумий интизомга ва жиноий гурух ташкилотчисининг кўрсатмаларига итоат қилинишини ҳамда шу кабиларни ҳисобга олиш зарур бўлади.

Таҳлил этилаётган жиноят уюшган гурух томонидан содир этилтган деб топилган тақдирда, жиноятнинг барча иштирокчилари ҳаракатлари уларнинг жиноятни амалга оширишдаги ролидан (иштирокчиликнинг туридан) қатъи назар, Жиноят кодекси 28-модда-сига ҳавола қилинмаган ҳолда Жиноят кодекси 166-моддаси тўртинчи қисми «в» банди билан квалификация қилинади.

Шу билан бирга, Жиноят кодекси 166-моддаси тўртинчи қисми «в» бандида «уюшган гурух манфаатларини кўзлаб жиноят содир этиш» ҳам квалификация қилинувчи белги сифатида кўрсатиб ўтилтган. Қилмишни мазкур норма билан квалификация қилишда алоҳида шахснинг уюшган жиноий гурух аъзоси эмас, балки ушбу гурух манфаатларини кўзлаб Жиноят кодекси 166-моддасида назарда тутилтган ҳаракатларни содир этганлигини аниқлаш керак. Бунда шахс уюшган гурух унинг жиноий ҳаракатидан манфаатдорлигини била туриб ҳаракат қиласди.

Ўзбекистон Республикаси Конституциясининг 53-моддасига мувофиқ мамлакат иқтисодиётининг негизини турли шаклдаги мулк ташкил этади. Мулк мутлоқ даҳлсиз ҳисобланади ва давлат томонидан қўриқланади, унга нисбатан ҳар қандай тажовуз қонунга зид деб топилади.

Судлов амалиётини ўрганиш судлар ўзгалар мулкини ўғрилик, талончилик ва босқинчилик билан талон-торож қилиш жиноят ишлари бўйича қонунларни асосан тўғри қўллаётганлигини кўрсатди. Шу билан биргаликда уларнинг амалий иш фаолиятида баъзи бир хато ва камчиликлар учрамоқда. Бир қатор муаммолар бўйича қонун талабларини тушунишда бир хиллик мавжуд эмас.

Мавжуд камчиликларни бартараф этиш, шунингдек мазкур тоифадаги ишлар бўйича қонунни тўғри ва аниқ қўлланилишини таъминлаш мақсадида, «Судлар тўғрисида»ги Қонуннинг 17-моддасига мувофиқ Ўзбекистон Республикаси Олий суди Пленуми қиласди:

Жабрланувчининг ёки бошқаларнинг йўқлигига ёки улар бор бўлсада, уларга билдириласдан ўзганинг мол-мулкини яширин талон-торож қилиш ўғрилик ҳисобланади. Бордию жабрланувчи ёки бошқалар мол-мулкининг олинаётганлигини кўрган бўлсада, лекин айбдор билдириласдан ҳаракат қиляпман деб ўйлаган бўлса, бундай қилмишни ҳам ўғрилик деб тавсифлаш лозим.

Ўзганинг мулкини яширин равища талон-торож қилиш билан бошланган, лекин жабрланувчи ёки бошқа шахслар томонидан сезиб қолинганига қарамасдан айборд томонидан мулкка эгалик қилиш мақсадида уларнинг ҳаёти ва соғлиғи учун хавфли бўлмаган зўрлик ишлатиб ёхуд шундай зўрлик ишлатиш билан қўрқитиб қилинган ҳаракатлар талончилик деб, ҳужум қилиб ҳаёти ёки соғлиғи учун хавфли бўлган зўрлик ишлатгандан ёхуд шундай зўрлик ишлатиш билан қўрқитгандада эса босқинчилик деб тавсифланади.

Зўрлик ишлатиш ҳаракатлари айборд томонидан ўзганинг мулкини яширин равища талон-торож қилиши тугагандан кейин қўлга тушишдан қутилиш мақсадида содир этилган бўлса, бундай ҳаракат талончилик ёки босқинчилик деб қаралмайди. Зўрлик ишлатишнинг хусусияти ва келиб чиқсан оқибатларга қараб қилмишни ўғрилик деб, бошқа жиноятларнинг белгилари бўлганда жиноятлар мажмуи бўйича тавсифлаш лозим.

Айборд томонидан содир этилаётган воқеани тушуниб етиш қобилиятига эга бўлмаган (масалан, ёши жуда кичиклар, руҳий жиҳатдан ақли норасолар, алкогольдан ёки наркотик моддалардан қучли мастлик даражасида бўлган ёки ухлаб қолган) шахсларнинг мулкини ўғрилаш ўзганинг мол-мулкини яширин равища талон-торож қилиш деб тавсифланиши керак.

Жабрланувчининг эгнида бўлган кийим-кечаги, қўлидаги ёки бевосита ёнида бўлган сумка, чамадон ва бошқа анжомларидан содир этилган яширин талон-торож қилиш киссавурлик деб ҳисобланади ва ЖКнинг 169-моддаси 2-қисми «а» банди билан тавсифланади.

Айборд, жабрланувчи ва бошқаларнинг кўз олдида ўзганинг мулкини эгаллаб олаётганлигини ва улар унинг ҳаракатларининг жиноий хусусиятини тушунганлигини англаганда, ўзганинг мулкини ошкора талон-торож қилиш талончилик ҳисобланади.

Жиноят кодексининг 166-моддаси 2-қисми «а» банди билан қилмишни тавсифлашда қуидагиларни эътиборга олиш лозим: зўрлик ишлатиб талончилик қилиш нафақат ҳаёт ёки соғлиқ учун хавфли бўлмаган аниқ зўрлик ишлатилганда, балки шундай зўрликни қўллаш билан қўрқитгандада ҳам, мавжуд бўлади; зўрлик ёки уни қўллаш билан қўрқитиши мулк ихтиёрида, тасарруфида ёки қўриқловида бўлган шахсга нисбатан, шунингдек, ўзганинг мулкини очиқдан-очиқ эгалик қилишга қаршилик қилувчи шахсларга нисбатан ҳам қарши йўналтирилган бўлиши мумкин; ҳаёти ёки соғлиқ учун хавфли бўлмаган зўрлик деганда, енгил тан жароҳати етказишни тушуниш лозим. Бундай зўрлик жабрланувчига жисмоний азоб берувчи ёки унинг эркинлигини чеклаб қўювчи ҳаракатларда ифодаланиши мумкин.

Товламачиликни босқинчилик ва талончиликдан фарқлашда товламачиликда зўрлик ишлатиш билан қўрқитиши мулкни зўрлик ишлатаётган вақтда эмас, балки келажақда қўлга киритишга қаратилишига эътибор бериш лозим. Агар қўрқитиши амалда ишлатилса, қилмиш ЖКнинг товламачилик ҳақидаги моддаси билан ва асослар бўлганда қўрқитиши амалга оширилаётганда

содир этилган ҳаракат учун жавобгарликни назарда тутувчи моддаси билан ҳам тавсифланиши лозим.

Ўзгалар мулкини талончилик ва ўғрилик билан эгаллаган ва айбдор бу мулқдан ўз хоҳишича фойдаланиш ёки уни ишлатиш имкониятига эга бўлган вақтдан бошлаб, босқинчилик эса жабрланувчининг ҳаёт ва соғлиғи учун хавфли бўлган зўрлик ишлатиш ёки шундай зўрлик ишлатиш билан қўрқитиб ҳужум бошланган вақтдан бошлаб, тугалланган ҳисобланади.

Ҳаёт учун хавфли бўлган зўрлик ишлатиш деганда унинг ишлатилиши жабрланувчининг ҳаёти учун аниқ бўлган хавфни вужудга келтирувчи ҳолат (масалан, жабрланувчини бўғиши, бошини сув остида ушлаб туриш ва ҳ.к.) тушунилади.

Соғлиқ учун хавфли бўлган зўрлик ишлатиш деганда, жабрланувчига соғлиғининг бузилишига сабаб бўлган тан жароҳати етказиш ёки шундай тан жароҳатини етказиш хавфини туғдирувчи ҳаракатлар (чаккага, қуёш ўрилмасига уриш ва ҳ.к.) тушунилади.

Қонун мазмунига қўра босқинчиликда зўрлик ҳам жисмоний, ҳам руҳий бўлиши мумкин.

Жиноят кодексининг 164-модда 2-қисми «а» банди билан тавсифланадиган босқинчилик йўли билан мулкка эгалик қилишнинг белгиларидан бири қурол ёки қурол сифатида ишлатиладиган бошқа нарсаларни қўллаш ҳисобланади.

Ўзбекистон Республикаси Олий суди Пленумининг 1996 йил 27 февралдаги «Қонунга хилоф равиша қуролга эгалик қилиш тўғрисидаги ишлар бўйича суд амалиёти ҳақида»ги 3-сонли қарорининг 2-бандига мувофиқ пневматик милтиқ, сигнал, старт, газ пистолетлари ёки газ балонлари, ракетницалар ва бошқа имитация-протехник ёки ёритгич воситалари қурол жумласига кирмайди.

Била туриб яроқсиз қуролдан ёки ёлғондакам қуролдан (масалан, тўппонча ёки старт тўппончаси макетларидан) баданга шикаст етказишни ният қилмаган ҳолда фойдаланилганда, ҳаёт ва соғлиқ учун хавфли бўлмаганда қуролли босқинчилик сифатида баҳолаш мумкин эмас.

Босқинчилик жараёнида айбдор томонидан руҳсатнома талаб қилинадиган ўқ отар қурол ишлатилганда ҳамда қурол ёки қурол сифатида фойдаланиш мумкин бўлган бошқа нарсаларни (портловчи, заҳарли моддаларни ва ҳ.к.) ишлатиб босқинчилик содир этилганда унинг ҳаракатларини ушбу жиноятлар мажмую билан тавсифлаш лозим.

Ўзбекистон Республикаси Олий судининг 1998 йил 17 апрелдаги «Иқтисодиёт соҳасидаги жиноий ишлар бўйича суд амалиётида юзага келган айрим масалалар тўғрисида»ги 11-сон Пленум қарорининг 5-бандига мувофиқ ўзганинг мулкини талон-торож қилишдан иборат бўлган айбдорнинг ҳаракатларига ҳуқуқий баҳо беришда унинг содир этилиши усулидан (ўғрилик, талончилик, босқинчилик) қатъи назар, жиноят Жиноят кодекси моддасининг оғирроқ жазони кўзда тутувчи қисми билан тавсифланиши лозим ва ушбу

модданинг бошқа қисмлари билан қўшимча тавсифланиши талаб этилмайди. Масалан, жиноят ЖК 169-моддаси 4-қисми билан жуда кўп миқдорда талон-торож қилиш белгиси бўйича квалификация қилинганда, ЖК мазкур моддасининг 1, 2 ва 3-қисмлари билан қўшимча квалификация талаб этилмайди.

ХУЛОСА

Давомли талон-торож содир этилган ҳолларда айбдорнинг ҳаракатлари талон-торож қилинган умумий суммани ҳисобга олган ҳолда тавсифланиши зарур.

Агар шахснинг ҳаракатлари давомли жиноят хусусиятига эга бўлмасдан бир неча мустақил эпизодлардан мисол учун, ўғрилик, талончилик, босқинчилик ва бошқалардан иборат бўлса, бу ҳаракатлар талон-торож қилинган умумий суммадан келиб чиқсан ҳолда тавсифланиши мумкин эмас. Бундай ҳолларда жиноятни ўзганинг мулкини талон-торож қилганлик учун жавобгарликни назарда тутувчи Жиноят кодексининг тегишли моддалари диспозициясига мувофиқ, жумладан такрорийлик белгиси билан тавсифлаш лозим.

Ғайриқонуний кириш деганда ўғрилик, талончилик ва босқинчилик қилиш мақсадида уй-жойга, омборхона ёки бошқа бинога кириш тушунилади. Ғайриқонуний кириш нафақат яширин, балки очиқдан-очиқ, тўсиқларни, одамларнинг, шунингдек, қўриқловчи ходимларнинг қаршилигини енгиб содир этилиши мумкин. Алдаш йўли билан, шунингдек, қалбаки рухсатномалардан фойдаланиб, масалан, сантехник, алоқа бўлими ходими, газ, электр энергия ва ёнғиндан назорат қилувчи ходимлар ва бошқалар тариқасида бинода пайдо бўлиши ғайриқонуний кириш деб баҳолаш керак.

Ғайриқонуний кириш бирдан-бир мақсад бўлиб қолмасдан, айбдор ўғрилаб кетмоқчи бўлган бойликлар сақланётган жойга кириб боришнинг услуби ҳисобланади. Шу сабабли уй-жойдан, бинодан ёки бошқа омборхонадан ўзганинг мулкини талон-торож қилиш нияти ғайриқонуний киришдан олдин юзага келади.

Агар айбдор хонага бошқа сабаблар билан кирган бўлиб, моддий бойликларни яширин ёки очиқдан-очиқ талон-торож қилиш мақсади кейин пайдо бўлса ва бу ниятини у амалга ошиrsa, қилмишда талон-торожнинг тушунтирилаётган тавсифлаш белгиси мавжуд бўлмайди.

Уй-жой деганда кишиларнинг доимий ёки вақтинчалик туришига мўлжалланган (шахсий уй, хонадан, меҳмонхонадаги, санаториядаги хона, дала ҳовли, боғ ҳовли ва бошқалар) бино, шунингдек, унинг таркибига кирувчи дам олиш учун, мулкни сақлаш учун ёхуд инсоннинг бошқа эҳтиёжларини қондириш учун (балконлар, ойнабанд айвонлар, омборлар ва бошқалар) тушунилади.

Омборхона деганда, товар-моддий бойликларни доимий ёки вақтинча бўлсада сақлаш, ташиш, талон-торож қилишдан, табиий оғатлардан, айнишдан

ва йўқ бўлиб кетишдан асраш учун маҳсус жиҳозланган, мослаштирилган алоҳида қурилма ёки жой тушунилади.

Маҳсус мосламалар (илгаклар, қармоқлар, магнитлар, сўриб оловчи резинка ичаклар, қисқичлар ва ҳоказо)дан фойдаланиб ўзганинг мулкини эгаллаш тушунтирилаётган уй-жой, омборхона ва бошқа хонага кириб қилинган талон-торожнинг тавсифлаш белгисини ташкил этмайди.

Ўғрилик, талончилик ва босқинчилик билан талон-торож қилиш жиноят ишларини тергов қилишда ва судда кўришда уларнинг содир этилишига имкон берган барча сабаб ва шарт-шароитларни аниқлаш ва бартараф қилиш мақсадида процессуал қонун асосида тегишли чоралар кўрилиши шарт.

Ўзбекистон Республикаси Олий суди жиноят ишлари бўйича судлов ҳайъати, Қорақалпоғистон Республикаси жиноят ишлари бўйича суди, жиноят ишлари бўйича вилоят, Тошкент шаҳар судлари ҳамда Ўзбекистон Республикаси Ҳарбий суди ушбу тоифадаги ишларни апелляция, кассация ва назорат тартибида кўраётганда биринчи босқич судлари томонидан қонунларни татбиқ этишда йўл қўйилган хатоларни муентазам таҳлил қилиб бориш ва бартараф қилишлари лозим.

ФОЙДАЛАНИЛГАН АДАБИЁТЛАР РЎЙХАТИ:

1. Исмаилов И. Сайтқұлов Қ.А., Ҳуқуқбузарликлар виктимологик профилактикаси чора-тадбирлари: Республика илмий-амалий конференция материаллари. Ҷ.Т.: 2015. Б.54-66.
2. Хўжақулов С.Б. “Ҳуқуқбузарликлар умумий профилактикасини такомиллаштириш (ички ишлар органлари мисолида)”// док. дисс. афтроф// Т.: 2018.Б.20.
3. Антонян Ю.М.Криминология. Избранные лекции. М.: «Логос»,2004. 122 с.
4. Криминология. Умумий қисм: Дарслик / И. Исмаилов, Қ.Р. Абдурасулова ва бошқалар. – Т.: Ўзбекистон Республикаси ИИВ Академияси, 2015 й. Б-179.
5. Сайтқұлов Қ.А. Ҳуқуқбузарликлар виктимологик профилактикасининг асосий йўналишлари: Илмий рисола / Масъул мухаррир юридик фанлар доктори, А.С. Турсунов. – Т.: Ўзбекистон Республикаси ИИВ Академияси, 2018. – 24 б.
6. Ривман В.Криминальная виктимология СПб.:Питер, 2002. С.7.,
7. Антонян Ю.М.Криминология. Избранные лекции. М.: «Логос»,2004. 122 с.
8. Криминология. Умумий қисм: Дарслик / И. Исмаилов, Қ.Р. Абдурасулова ва бошқалар. – Т.: Ўзбекистон Республикаси ИИВ Академияси, 2015 й. Б-179.